

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ապրիլի 2014թ.

N-----Ա

ՈՐՈՇՈՒՄ

**ՋՈՐՋ ԲԱՅՐՈՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության **1999** թվականի օգոստոսի **31**-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N **551** որոշմամբ հաստատված կարգի **2**- րդ կետը՝

Երևան քաղաքի ավագանին որոշում է.

Տալ համաձայնություն 19-րդ դարի անգլիացի բանաստեղծ, Եվրոպայի մեծագույն գրող Ջորջ Բայրոնի հիշատակը հավերժացնող հուշատախտակը Բայրոնի **1** հասցեում գտնվող «Ակբա-Կրեդիտ Ազրիկոլ բանկի» կենտրոնական գրասենյակի շենքի ճակատային մասում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ - ՀԻՄՆԱՎՈՐՈՒՄ

«ԶՈՐՉ ԲԱՅՐՈՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Որոշման ընդունման համար հիմք է հանդիսանում Երևանի քաղաքապետարանի *հասցեագրված*՝ քանդակագործ Հայկ Թոքմաջյանի դիմումը, որում նա իր իսկ նախաձեռնությամբ առաջարկել է Զորջ Բայրոնի 225-ամյակի կապակցությամբ՝ իր հեղինակած հուշատախտակը տեղադրել Երևանում, քանաստեղծի անունը կրող փողոցում և հավաստիավրել է, որ ֆինանսավորումը իրականացնելու է «ԱԿԲԱ-Կրեդիտ Ագրիկուլ բանկը»:

Նշված հուշատախտակի էսքիզներն ու մանրակերտը քննարկվել է Երևանի քաղաքապետին կից քաղաքաշինական խորհրդի գեղարվեստի հանձնաժողովում, որը *ս.թ. մարտի 17-ին կայացած նիստի ժամանակ* միաձայն հավանության է արժանացրել *պատշաճ* մասնագիտական *մակարդակով* արված գործը:

Որոշման ընդունման համար նաև հիմք է հանդիսանում հայ ժողովրդի սերն ու ակնածանքը քանաստեղծի հանդեպ, քանի որ Բայրոնը, հանդիսանալով Եվրոպայի մեծագույն գրողներից մեկը, նաև առաջին հայագետներից էր: Վենետիկի Սուրբ Ղազար կղզում Բայրոնը ծանոթացել է հայկական մշակույթին, սովորել է հայերեն: Նրա օգնությամբ մի շարք կրոնական և աշխարհիկ ձեռագրեր են թարգմանվել անգլերենից հայերեն և հայերենից անգլերեն և ստեղծվել է անգլերեն-հայերեն բառարան:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝ ըստ որի հուշարձանի իրականացման վերաբերյալ առաջարկությունը նախապես համաձայնեցվում է համապատասխան համայնքի ավագանու հետ, ուստի Երևան քաղաքի ավագանու քննարկմանն է ներկայացվում սույն որոշման նախագիծը:

ՏԵՂԵԿԱՆՔ

**«ՋՈՐՋ ԲԱՅՐՈՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՍ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ջորջ Բայրոնի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ՋՈՐՋ ԲԱՅՐՈՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/
ԿԱՍ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ջորջ Բայրոնի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ